

Na osnovu člana 6. stav (4) i člana 47. stav (4) Zakona o obrtu i srodnim djelatnostima ("Službene novine Federacije BiH", broj 35/09) i čl. 19. i 20. Zakona o organizaciji organa uprave u Federaciji BiH ("Službene novine Federacije BiH", broj 35/05) federalni ministar razvoja, poduzetništva i obrta, na prijedlog kantonalnih ministarstva nadležnih za oblast obrtništva **donosi**

P R A V I L N I K

o vezanim obrtima i srodnim djelatnostima koje se mogu obavljati u stambenim prostorijama

Član 1. (Sadržaj)

Ovim pravilnikom propisuju se obrtničke i srodne djelatnosti koje se mogu obavljati u stambenim prostorijama.

Član 2. (Popis djelatnosti)

U stambenim prostorijama mogu se obavljati slijedeće djelatnosti:

Brojčana oznaka prema KD – u	Naziv djelatnosti
DB/17.40	Proizvodnja gotovih tekstilnih proizvoda, osim odjeće
DB/17.401	Proizvodnja gotovih tekstilnih proizvoda za domaćinstvo
DB/17.402	Proizvodnja ostalih gotovih tekstilnih proizvoda
DB/17.541	Izrada ukrasnog pribora: vrpce, resa, pompona (loptica)...
DB/17.541	Izrada čipki u vrpcama ili u motivima vezenih tkanina
DB/17.7	Proizvodnja pletenih i kukičanih proizvoda, izrada pletenih i kukičanih pulovera, jakni, prsluka i sličnih proizvoda - ručno pletenje
DB/18.100	Proizvodnja po mjeri odjeće od kože i imitacije kože
DB/18.221	Proizvodnja ostale vanjske odjeće, osim šivane po mjeri
DB/18.222	Proizvodnja ostale vanjske odjeće, šivane po mjeri
DB/18.230	Proizvodnja rublja, izrada po mjeri šivanog rublja od tkanog, pletenog ili kukičanog tekstila, čipke itd. za muškarce, žene, djecu - izrada steznika i pojaseva
DB/18.241	Proizvodnja odjeće za dojenčad i malu djecu i športske odjeće
DB/18.242	Izrada ostalih odjevnih predmeta: rukavica, remena, šalova, kravata; mrežica za kosu, izrada remena za satove, osim metalnih
DB/18.300	Dorada i bojenje krzna; proizvodnja proizvoda od krzna, izrada krznenih pokrivala za glavu
DC/19.200	Proizvodnja kofera, ručnih torbi i sličnih proizvoda, sedlarskih i saračkih

	proizvoda
DC/19.301	Izrada gornjih dijelova obuće i papuča
DC/19.302	Proizvodnja obuće po narudžbi i u malim serijama
DD/20.510	Proizvodnja ostalih proizvoda od drveta (okvira za slike, ...)
DD/20.521	Proizvodnja predmeta od pluta
DD/20.522	Proizvodnja predmeta od slame, pruća i drugih pletarskih materijala
DE/21.210	Proizvodnja valovitog papira i kartona i ambalaže od papira i kartona
DE/21.220	Proizvodnja papirnih proizvoda za kućanstvo, higijenske i toaletne potrebe
DE/21.230	Proizvodnja kancelarijskog papirnog materijala
DE/21.250	Proizvodnja ostalih proizvoda od papira i kartona (sjenila za svjetiljke, ...)
DE/22.150	Ostala izdavačka djelatnost
DE/22.310	Umnožavanje (reprodukcija) zvučnih zapisa
DE/22.320	Umnožavanje (reprodukcija) videozapisa
DE/22.330	Umnožavanje (reprodukcija) kompjuterskih zapisa
DH/25.24	Izrada sjenila za svjetiljke od plastike
DH/25.25	Proizvodnja ostalih keramičkih proizvoda, oslikavanje figura i drugih ukrasnih keramičkih predmeta
DI/26.13	Slikanje na staklu i kristalu, boce, čaše i ostali proizvodi za domaćinstvo
DI/26.15	Izrada staklenih sjenila za svjetiljke
DI/26.21	Proizvodnja keramičkih predmeta za domaćinstvo i ukrasnih predmeta (samo ručnim radom) - proizvodnja stonih keramičkih proizvoda i drugih keramičkih proizvoda za domaćinstvo ili toaletne svrhe osim za ugrađivanje - proizvodnja statua i drugih ukrasnih predmeta od keramike.
DI/26.66	Proizvodnja ostalih proizvoda od betona, cementa, gipsa i umjetnog kamena (samo ručnim radom) - proizvodnja ostalih proizvoda od betona, cementa, gipsa i umjetnog kamena: statue, predmeti s plitkim i visokim reljefom, ukrasne posude, žardinijere i dr.
DN/36.220	Proizvodnja nakita i sličnih predmeta
DN/36.300	Proizvodnja muzičkih instrumenata
DN/36.50	Izrada lutaka, odjeće i pribora za lutke
DN/36.50	Izrada životinjskih igračaka
DN/36.610	Proizvodnja imitacije nakita (bižuterije)
DN/36.620	Proizvodnja metli i četki
DN/36.630	Izrada i presvlačenje dugmadi
DN/36.630	Izrada raznovrsnih proizvoda - izrada predmeta za uspomenu i suvenira, izrada umjetnog cvijeća od tkanine i papira i izrada cvjetnih aranžmana od umjetnog i suhog cvijeća
DN/36.630	Proizvodnja predmeta za ličnu upotrebu: lule za pušenje, češljevi, šnale i dr.; mirisne prskalice; termos-boce i drugi sudovi za upotrebu u domaćinstvu
DN/36.630	Proizvodnja upaljača i šibica
DN/36.630	Proizvodnja perika, vještačke brade, vještačkih obrva i dr.
DN/36.630	Djelatnosti vezane za prepariranje i punjenje životinja
G/52.710	Popravak obuće i ostalih predmeta od kože
G/52.72	Popravak električnih aparata za domaćinstvo uključujući radio opremu, televizijsku opremu i ostalu audio opremu i video opremu
G/52.730	Popravak satova i nakita
G/52.740	Popravci na drugom mjestu nespomenuti
G/52.740	Štimanje muzičkih instrumenata
G/52.740	Popravak bicikla
G/52.740	Krpanje i manje prepravke odjeće
G/52.740	Popravak kišobrana

G/52.740	Popravak mobilnih telefona
G/52.740	Ekspres usluge (uključujući štampanje na tekstilu)
K/70.1	Poslovanje nekretninama za vlastiti račun
K/70.2	Iznajmljivanje nekretnina za vlastiti račun
K/70.3	Poslovanje nekretninama preko posrednika
K/71.400	Iznajmljivanje predmeta za ličnu upotrebu i domaćinstvo
K/72.	Kompjuterske i srodne djelatnosti
K/72.100	Pružanje konsultantskih usluga u vezi kompjuterske opreme (hardware)
K/72.210	Izrada software – a
K/72.220	Ostale konsultantske usluge i izrada software – a
K/72.300	Obrada podataka
K/72.400	Izrada i upravljanje bazama podataka
K/72.500	Održavanje i popravak kancelarijskih, računskih i kompjuterskih mašina
K/4.120	Računovodstveni, knjigovodstveni i revizorski poslovi; savjetodavni poslovi u vezi poreza
K/74.130	Istraživanje tržišta i ispitivanje javnog mišljenja
K/74.700	Čišćenje objekata
K/74.820	Usluge pakiranja
K/74.850	Sekretarski i prevoditeljski poslovi
K/74.870	Aktivnosti procjenjivanja, osim za nekretnine i osiguranje
K/74.870	Djelatnost konsultanata, osim tehničara i inženjera
K/74.870	Usluge grafičkih dizajnera
K/74.870	Modno dizajniranje tkanina, odjeće, obuće, nakita, namještaja i drugih elemenata unutrašnjeg uređenja, kao i modnih predmeta za ličnu upotrebu i upotrebu u domaćinstvu
K/74.870	Djelatnost organizatora sajmova, izložbi i kongresa
K/74.870	Djelatnost dizajnera i aranžera unutrašnjeg uređenja
K/74.870	Djelatnost dizajnera štandova
K/74.870	Aktivnosti agenata i agencija za potrebe pojedinaca radi njihovog angažovanja u filmovima, pozorišnim predstavama ili drugim zabavnim ili sportskim atrakcijama, kao i plasman knjiga, umjetničkih djela, fotografija i dr., izdavačima, proizvođačima i dr.
K/74.870	Djelatnost samostalnih aukcionara
K/74.870	Djelatnost posrednika pri registraciji motornih vozila
O/92.310	Umjetničko i književno stvaralaštvo i scenska umjetnost
O/93.010	Prikupljanje i isporuka rublja
O/93.010	Čišćenje tepiha i prekrivača, pranje zavjesa i draperija
O/93.020	Frizerski i drugi tretmani za uljepšavanje (masaža lica, manikiranje, pedikiranje, šminkanje...)

Član 3. (Uslovi za obavljanje)

- (1) *Djelatnosti iz član 2. ovog pravilnika mogu se obavljati samo u skladu sa uslovima propisanim Zakonom o obrtu i srodnim djelatnostima.*
- (2) *Fizičko lice može obavljati djelatnosti iz člana 2. ovog pravilnika ako pored opštih ispunjava i posebne uslove za obavljanje određene djelatnosti.*
- (3) *Djelatnosti iz člana 2. ovog pravilnika mogu se obavljati samo ako su evidentirane u Obrtnom registru opštinskog, odnosno gradskog organa nadležanog za oblast obrtništva.*
- (4) *Djelatnosti iz člana 2. ovog pravilnika mogu se obavljati u obimu i na način koji ne zahtijeva izmjenu postojećih uslova korištenja stambenog prostora.*

(5) Osim djelatnosti iz člana 2. ovog pravilnika, u stambenim prostorijama mogu se obavljati i druge djelatnosti čije obavljanje ne zahtijeva izmjenu postojećih uslova korištenja stambenog prostora.

Član 4.
(Kontrola uslova)

Kontrolu uslova iz člana 3. ovog pravilnika, u skladu sa članom 14. Zakona o obrtu i srodnim djelatnostima, provodit će nadležne inspekcije.

Član 5.
(Usklađivanje postojećih pravilnika)

Kantonalni, gradski i opštinski propisi kojima su propisani vezani obrti i srodne djelatnosti koje se mogu obavljati u stambenim prostorijama uskladit će se sa odredbama ovog pravilnika u roku od 90 (devedeset) dana od dana stupanja na snagu ovog pravilnika.

Član 6.
(Stupanje na snagu pravilnika)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

*Broj : 08 – 02 – 445/09
Mostar, 14.09.2009. godine*

*Ministar
Velimir Kunić, s.r.*